

正定府志卷之四十七

藝文四序

跋

序

李補闕文集序

唐梁肅

安先生文集序

元虞集

李元贊皇西祖碑序

失名

送同年光子英之任正定序

明歸有光

瘦史序

國朝梁清遠

賑紀序

方觀承

跋

跋藁長蔡君頌碑

宋 歐陽修

跋魏鄭公傳

曾 鞏

題董氏家傳世譜後

元 吳 澄

書彭惠安勘田議後

明 梁清遠

漢白石神君碑跋

朱彞尊

正定府龍藏寺隋碑跋

書宋八龍興寺碑後

鄭大進

碑

贊皇李公德裕德政碑

唐 賈 餗

冀國武靖公主善墓碑

元 李 冶

太傅忠烈公董俊神道碑

忠武王公慶端神道碑

歐陽元

趙國清獻公董士珍神道碑

安石峯先生墓碑

王思廉

安先生墓表

袁桷

中書榮祿公哈散墓碑

瞻思

大學士石瑤墓碑

明楊一清

宋曹氏墓碑

國朝陸隴其

狀

陸清獻公隴其行狀

國朝柯崇樸

序

李補闕文集序

唐梁肅

文之作上所以發揚道德正性命之紀次所以裁成
典禮厚人倫之義又所以昭顯義類立天下之中三
代之後其流派別炎漢制度以霸王道雜之故其文
亦二賈生馬遷劉向班固其文博厚出於王風者也
枚叔相如揚雄張衡其文雄富出於霸塗者也其後
作者理勝則文薄文勝則理消理消則言愈繁斯亂
矣文薄則意愈巧斯弱矣故文本於道失道則搏之
以氣氣不足則飾之以辭蓋道能兼氣氣能兼辭

不當則文斯敗矣唐有天下幾二百載而文章三變
初則廣漢陳子昂以風雅革浮侈久則燕國張公說
以宏茂廣波瀾天寶以還則李員外蕭功曹賈常侍
獨孤常州比肩而作故其道益熾若乃辭源辯博馳
騫古今之際高步天地之間則有左補闕李君君名
翰趙郡贊皇人也天姿朗秀率性聰達博涉經籍其
文尤工故其作叙治亂則明白坦蕩衍餘條暢端如
貫珠之可觀也陳道義則游泳性情探微豁真渙乎
春冰之將泮也廣勸戒則得六相維吉凶相追焯乎
元龜之在前也頌功美則溫且顯融協於大中穆如

清風之中人也議者又謂君子之才若崇山出雲神
禹導河觸石而彌六合隨山而注巨壑蓋無物足以
遏其氣而闕其行者也世所謂文章之雄舍君其誰
歟弱冠進士登科解褐衛縣尉其後以書記再參淮
南節度軍謀累遷大理司直天子聞其才召拜左補
闕俄加翰林學士君子處世用舍闕乎才進退牽乎
時始君筮仕值蔽善者當路故屈於下位中歲多難
時方用武故委於外藩及夫人宣室而揮宸翰也方
用人文以饒王度則因疾罷免嘻昔君子賢人運與
事并得信其志者寡矣其餘屬雅道喪缺黃鐘毀棄

若孟子轅軻士安多病亦何可勝論惟斯文足以振
當世餘烈足以遺後嗣此之謂不朽君既退歸居於
河南之陽翟家愈貧而祿不及志愈邁而文益壯暇
日以嘗所述作三十卷目爲前集命予序之君與予
實有伯喈仲宣之義故書於篇

安先生文集序

元虞集

晦菴集詩文若干篇藁城安君敬仲之所作門人蘇
天爵之所輯錄者也既繕寫乃來告曰昔客城劉靜
修先生得朱子之書於江南因以之遡乎周邵程張
之傳古所謂聞而知之者此其人歟聞其風而慕焉
者敬仲也敬仲終身師慕之則其所見何可量哉然
靜修門人嘗有與予同爲國學官者從問其師說不
予告也退而求諸其書見其告先聖文曰因蚤躁狂
若將有志中寶脆屈未立已頽揆厥無成實由貪懦
時馳意去凜不自容顧念初心悅焉如失觀乎此言

則靜修道德之所至可見矣噫吾道之大豈委靡不振鹵莽依託者所可竊假其必有振世之豪傑而後可也以予觀於國朝混一之初北方之學者高明堅勇孰有過于靜修者哉誠使天假之年遜志以優入不然使得親炙朱子以極其變化充擴之妙則所以發揮斯文者當不止是又嘗求敬仲於其書矣其告先聖文曰追憶舊聞卒究前業灑掃應對謹行信言餘力學文窮理盡性循循有序發動聖途以存諸心以行諸已以及諸物以化於鄉然則敬仲得於朱子之端緒平實切密何可及哉誠使得見靜修廓之以

高明厲之以奮發則劉氏之學不旣昌大於時已乎
惜乎靜修旣不見朱子而敬仲又不獲親炙於靜修
二君子者皆中壽而卒豈非天乎若蘇生之拳拳於
其師之遺書如此亦可見其取友之端矣

李元贊皇西祖碑序

有銘

失名

大德己亥春予調贊皇令越明年冬到任蒞政之初
謁廟禮畢與諸儒坐於明善堂問及鄉賢李嶠李絳
李栖筠今有後乎直學張彬對曰絳嶠之後縣西北
潘村在焉栖筠之裔陰陽教諭李元嘗言是其胄也
但未知其詳耳異日勸課過其里訊之元乃出唐太
常卿李愚拜謁祖墓記予覽誦至東祖西祖之句元
問其所以予審之曰宗派之原其知詳乎元謝不解
命坐而語曰昔臯陶爲堯大理官子孫以官命族爲
理氏歷夏商有理徵者以直道諫紂不容見殺徵妻

契和氏挈其子利貞逃難於伊侯之墟諱姓名食李
得全其難遂改理爲李氏利貞生昌祖爲陳大夫家
於苦縣昌祖生彤德德之曾孫頌宗事周康王賜采
邑於苦縣五代孫乾爲上御史太夫妻益壽氏女嬰
敷生耳字伯陽爲柱下史平王東遷爲太史諡曰聃
卽老君也曾孫宗仕魏封邑於段干宗生同爲趙大
將軍同生克爲趙相克生齊封陽安君齊二子曰雲
曰恪恪生洪爲秦太子太傅洪生興族爲秦將軍興
族生曇爲秦御史大夫封栢人侯生二子長曰崇仕
於秦因家焉七世孫尙爲成紀令因居成紀尙生濮

爲前將軍其子子散居隨西分爲四房一曰武陽二
曰姑臧三曰墩音西曰丹陽次曰璣居趙郡常山平
棘其後分爲六房居巷東曰東祖巷西曰西祖城南
曰南祖仕於遼曰遼東房仕於江南曰夏江房後漢
博士李頡避漢中曰南鄭房頡生邵爲司徒邵生固
質帝時爲太尉與杜喬同輔政憤宦官擅權專恣謀
欲誅之乃不果爲梁冀所誣父子被害因門生王成
携幼子熒逃難於徐後十年梁冀被誅求功臣後郡
舉熒於朝爲議郎轉官拜安平王相始還趙之安平
我祖系出南鄭嶠絳華興出東祖栖筠懷遠吉甫德

裕出西祖吾與汝皆趙郡李君之裔也元聞之喜而
舉觴爲壽再拜而言元之家譜今愈明矣謹識之他
日則請紀諸石願無阻時笑而許之大德甲辰瓜代
而歸辛巳春改除樞密院架閣是年冬元不遠千里
走京師踵門以幣求作譜銘追憶前言且嘉其志篤
謹撫其實以次第之吾先祖出自高陽氏歷三代迄
於漢唐代不乏人世稱趙李人物宗族世系勲爵著
諸簡冊何待予言哉又太常公拜墓記詳且脩矣不
必具載元之六世祖彥明生六子長房展仕宋征西
鎮佩金虎符娶同里郝氏生一子曰洪正好學聰慧